

**ახალციხის მუნიციპალიტეტის მერის**  
**2022 წლის 08 ივლისის №12.122218918 ბრძანების საფუძველზე შექმნილი**  
**„ახალციხის მუნიციპალიტეტში ადგილობრივი სოციალური პოლიტიკისა და**  
**მუნიციპალური სოციალური პროგრამების დეგემგმის მიზნით მოწყვლადი სამიზნე**  
**ჯგუფების ბავშვებისა და ბავშვიანი ოჯახების საჭიროებათა კვლევის სამუშაო ჯგუფის“**  
**სხდომის ოქმი №4**

ქ. ახალციხე, მ. კოსტავას ქ. №18

17 აგვისტო, 2022 წელი

**სამუშაო ჯგუფის წევრები:**

ინგა დიაკონოვი	ახალციხის მუნიციპალიტეტის მერიის მეორადი სტრუქტურული ერთეულის - სოციალურ საკითხთა განყოფილების ხელმძღვანელი, სამუშაო ჯგუფის თავმჯდომარე;
თამილა ადვაძე	ახალციხის მუნიციპალიტეტის მერიის მეორადი სტრუქტურული ერთეულის - ჯანმრთელობის დაცვის პროგრამების განყოფილების ხელმძღვანელი, სამუშაო ჯგუფის თავმჯდომარის მოადგილე;
ქეთევან ჯვარიძე	ახალციხის მუნიციპალიტეტის მერიის პირველი კატეგორიის უფროსი სპეციალისტი სოციალურ საკითხებში, სამუშაო ჯგუფის წევრი;
თამარი სამსონიძე	ახალციხის მუნიციპალიტეტის მერიის პირველი კატეგორიის უფროსი სპეციალისტი - ბავშვის უფლებების დაცვის საკითხებში, სამუშაო ჯგუფის წევრი;
მაკა ზედგინიძე	ახალციხის მუნიციპალიტეტის მერიის მეორე კატეგორიის უფროსი სპეციალისტი სოციალურ საკითხებში, სამუშაო ჯგუფის წევრი;
გელა ლომიძე	ახალციხის მუნიციპალიტეტის მერიის პირველადი სტრუქტურული ერთეულის - საფინანსო-საბიუჯეტო სამსახურის ხელმძღვანელი, სამუშაო ჯგუფის წევრი;
ლევან მიქაბერიძე	ახალციხის მუნიციპალიტეტის მერიის მეორადი სტრუქტურული ერთეულის - განათლების, სპორტის, ახალგაზრდობისა და ტურიზმის განყოფილების ხელმძღვანელი, სამუშაო ჯგუფის წევრი;
შიო ზედგინიძე	ახალციხის მუნიციპალიტეტის მერიის პირველი კატეგორიის უფროსი სპეციალისტი იურიდიულ საკითხებში, სამუშაო ჯგუფის წევრი;

**სხდომის დღის წესრიგი:**

1. მიმდინარე სხდომის მდივნის განსაზღვრის შესახებ.
2. სამუშაო ჯგუფის მიმდინარე საქმიანობის გაცნობის შესახებ.

**მოისმინეს და დაადგინეს:**

1. დღის წესრიგით გათვალისწინებული პირველი საკითხია, მიმდინარე სხდომის მდივნის განსაზღვრა. სამუშაო ჯგუფის თავმჯდომარის გადაწყვეტილებით, მიმდინარე სხდომას მდივნობას გაუწევს ამავე ჯგუფის წევრი - შიო ზედგინიძე.

2. დღის წესრიგით გათვალისწინებული მეორე საკითხია, სამუშაო ჯგუფის მიმდინარე საქმიანობის გაცნობა. ჯგუფის თავმჯდომარემ ჯგუფის წევრებს მოახსენა, რომ ახალციხის მუნიციპალიტეტის მერის 2022 წლის 08 ივლისის №12.122218918 ბრძანების საფუძველზე შექმნილია „ახალციხის მუნიციპალიტეტში ადგილობრივი სოციალური პოლიტიკისა და მუნიციპალური სოციალური პროგრამების დეგემგმის მიზნით მოწყვლადი სამიზნე ჯგუფების ბავშვებისა და ბავშვიანი ოჯახების საჭიროებათა კვლევის სამუშაო ჯგუფი“. აღნიშნული ჯგუფის მიზანია უზრუნველყოს ადგილობრივი სოციალური პოლიტიკისა და მუნიციპალური სოციალური პროგრამების დაგემგმის მიზნით მოწყვლადი სამიზნე კატეგორიების ბავშვებისა და ბავშვიანი ოჯახების საჭიროებათა კვლევის ჩატარება, ამ ბრძანებით დამტკიცებული სამიზნე ჯგუფების მიხედვით:

**1. შეზღუდული შესაძლებლობის მქონე ბავშვი, მ.შ.:**

- 1.1 შშმ სტატუსის მქონე;
- 1.2 არ მიუმართავს სტატუსის მისაღებად, მაგრამ სავარაუდოდ აკმაყოფილებს კრიტერიუმებს;
- 1.3 გავნითარების სირთულის მქონე ბავშვი;

**2. მშობლის მზრუნველობას მოკლებული ბავშვი, მ.შ.:**

- 2.1 ობოლი ბავშვი;
- 2.2 მარჩენალდაკარგული ბავშვი;
- 2.3 მშობლის მიგრაციის გამო ნათესავებთან დროებით მცხოვრები ბავშვი;

3. სახელმწიფო ზრუნვიდან რეინტეგრირებული ბავშვი;
4. ბავშვი დარიბი ოჯახიდან, რომლის მშობელი/მეურვე არის შეზღუდული შესაძლებლობის მქონე პირი;
5. დარიბი ბავშვიანი ოჯახი, მ.შ.:
  - 5.1 სოციალურად დაუცველის სტატუსის მქონე ბავშვი;
  - 5.2 სოციალურად დაუცველის სტატუსის არმქონე, მაგრამ დარიბი ოჯახის ბავშვი;
  - 5.3 დარიბი მრავალშვილიანი ოჯახი;

საჭიროებათა კვლევის ჩატარების მიზნით სამუშაო ჯგუფის მიერ განხორციელდა რიგი ღონისძიებებისა. სამუშაო ჯგუფის თავმჯდომარემ განმარტა, რომ მუნიციპალიტეტის სამოქმედო არეალში თავის უფლებამოსილებას ახორციელებს 19 მერის წარმომადგენელი, რომელთაგან ყველა მათგანს სავსე სამუშაოები უკვე დასრულებული აქვს და მათ მიერ მოძიებული ინფორმაცია, პირველადი აღრიცხვის ფორმის შესაბამისად შეესებულები, გადმოეცა სამუშაო ჯგუფს. აღნიშნულის შემდგომ, სამუშაო ჯგუფმა გადაწყვიტა:

- სამუშაო პროცესი გადავიდეს მუშაობის შემდგომ ეტაპზე, რაც გულისხმობს ანკეტურ გამოკითხვას.
- გამოკითხვის მინიმუმ ყოველი მე-7 რესპონდენტი.
- გამოკითხვა განახორციელონ შესაბამის ადმინისტრაციულ ერთეულში მერის წარმომადგენლებმა.
- მერის წარმომადგენლებს განემარტოთ, რომ კითხვარის (ანკეტის) მიზანია მუნიციპალიტეტში მცხოვრებთა პრობლემების, მათი გამომწვევი მიზეზების, საჭიროებებისა და მოლოდინების გამოვლენა, რის შემდეგაც შესაძლებელი გახდება მოსახლეობის საჭიროებებზე უკეთ მორგებული სოციალური პროგრამების შემუშავება.
- მათ მიეცეთ რეკომენდაცია, პროცესი წარმართონ ბავშვის საუკეთესო ინტერესების შესაბამისად, ბავშვისადმი კეთილგანწყობილ, კომფორტულ და მშვიდ გარემოში. ასევე, კითხვარი შეივსოს ბავშვისთვის ოჯახურ ან მასთან მიახლოებულ გარემოში, მშობლის/მეურვის თანდასწრებით.
- გამოკითხვის პროცესში დაცული იყოს „პერსონალურ მონაცემთა დაცვის შესახებ“ საქართველოს კანონის მოთხოვნები (პერსონალურ მონაცემთა დამუშავების ინსტრუქციის დანართი N6-ის შესაბამისად), გათვალისწინებული იყოს კვლევის ჩატარების ეთიკური პრინციპები და კვლევაში ბავშვების მონაწილეობის თავისებურებები.

დღის წესრიგით გათვალისწინებული საკითხების ამოწურვის შემდეგ, სამუშაო ჯგუფის თავმჯდომარემ სხდომა დასრულებულად გამოაცხადა.

სამუშაო ჯგუფის თავმჯდომარე:

ინგა დიაკონოვი

სხდომის მდივანი:

შიო ზედგენიძე